

من شافه وحده بين العدوان  
وتعنّى وقلبه يلهب نيران  
أعداكم بفنيها ابها الميدان  
ياالجاسم ارحم قلبي اللفان  
وما اقدر انظرك عالتربان  
ودموعه فوق خدوده غدران

\*\*\*\*

يم عمه راح بالأم وشوق  
وأرخصها نفسه لجل المظلوم  
يا عمي ارحصني ابهذا اليوم  
قله ارجع يالباقي من المسموم  
يوليدي ما أتحمل فرقاك  
والجاسم رد للخيمة محزون

\*\*\*\*

عاد للخيمة وقلبه زاد ابحنينه  
نادى يايمه وصية والدي في وينه  
جيبى ليّه كتابه اللي خطه بيمينه  
عاينه ولاح الفرخ في وجهه وعيونه  
فيها وصاه الحسن ببو علي يعينه  
وبو علي شاف الكتاب وصد الى المدينة

\*\*\*\*

وحدي ولا عندي ناصر ولا معين  
فوق الوطية عطاشي ومطاعين  
رتو ترى اللي يناديكم حسين  
الاالصوايح ونوح النساوين  
معرس يخويه بزفه للبين  
بوداعة الله يعقلي وضيا العين

نادى ياخويه الأعاذي لفتنه  
كل الاحبه يخويه تهاوو  
ظليت أنادي عليهم واعاتب  
بس ما رجع لي من أحبابي جواب  
وجاسم اجا يطلب الرخصة مني  
ضمه لصدرة وقله يجسام

لجنة التأليف  
موكب عزاء المعامير

يا عمري ويا حلمي العشته سنين  
مد أيدك ونشفت دمعات العين  
أبحر في أمالي في كل حين  
وبعرسك أتأديلي يبني الدين  
عفت امك يوليدي وردت البين  
ما عدهم يا وليدي قلوب اتلين  
\*\*\*\*\*

يوليدي أني امك حاجيني  
يا الجاسم أني امك رد ارباي  
ربيتك وسهرت الليل وياك  
يا بدري كنت انظر لك عريس  
بس وسفه حساباتي طلعت غير  
أه يبني اعداكم ما رحموك  
\*\*\*\*\*

يالولد تتركني وحدي بالمحن والمصيبة  
تدري ابحال المحب الفاقد اشيصيبه  
وفرقتك يا بني على قلبي أشد مصيبة  
حالتي حال اليلوذ وماحد يجيبه  
داوي دلالي وضمد جرحه يا طبيبه  
روحي ردها يا الولد يا روحي السليبة

\*\*\*\*\*

من جيت وشفنت الجراح الدمية  
وأوصالك مقطعة ومنفريية  
لكن قضى الله ورحت من اديه  
امك ويصعب فراقك عليه  
يا نجم وخر في ثرى الغاضرية  
ومنهو يركبني فوق المطية

وامالي ضاعت وحلمي تبدد  
عمك اجابك وبالخيمة حطك  
هميت أداوي اجراحك وأشدها  
راسي اشتعل شيب وجسمي نحلته  
ظهري كسرتة بمصابك يجسام  
منهو يدتي الهوادج اليه

لجنة التأليف  
موكب عزاء المعامير